

天一閣藏明代方志選刊續編

天一閣藏
明代方志
選刊續編

PDG

成化中都志 上冊（安徽）

天一閣藏明代方志選刊續編

三三

上海書店

中都志序

予嘗聞之儒先大老言為文非
難而史學為難為文非難而志
事為難夫天文之災祥地理之
險易禮樂之因革律曆之損益
官制之繁簡兵戎之廢置郡邑
之升降戶口之登耗以至輿服

之儀符璽之數薦舉之法工師
之事旁及治道之隆污人物之
賢否皆於志乎紀之非才足以
泛應學足以叅稽識足以裁決
予未見其可也司馬遷作史記
始立天官諸書班固乃易書為
志至于今千六百餘年而西漢

一代之制見於文字之間者光
景常新氣焰流動人稱漢法而
不敢狎視以班馬之文雄深雅
健有足以張大焉耳自

為三國志而唐賈猶為古今郡
國志宋鄭樵復為通志雖詞製
不同要不能出班馬法程而其

傳世垂遠因有不可誣者河南
僉憲柳公廷玉蚤以家學之懿
取進士給事黃門久之凡天文
地理禮樂律曆官制兵戈

戶口輿服符璽薦舉工師之畧
與治道人物之大端酌古今探
載籍以求其本而才之敏有以

泛應學之弘博識之䟽達有以
皇裁決而叅稽故能掇其精華為
皇明大禮若干卷足以傳世而垂
遠矣又以中都者
太祖高皇帝龍飛之所詩不云乎
商邑翼翼四方之極而志之在
學宮者淺狹踈缺非所以昭休

明示廣大也乃法班馬賈鄭作
中都志鑿乎其精也確乎其實
大也燁燁乎其詞之雄深而雅健
也所謂光景常新氣焰流動足
以張大
皇明萬萬世之神功聖烈于不朽
何漢法之足云哉河南藩臬諸

公相與喜聞樂道而欲其傳世
以垂遠予於是乎序之

成化六年夏六月既望

賜進士出身中議大夫贊治尹河
南按察司副使奉

勅提學前

秘閣編纂官姑蘇劉昌欽謨書

林閣無慕官故祿隱昌維籍書
味對學前

南好察臣臨對奉

顯進士出良中議大夫贊元年所
如外六平夏六月朔聖

以垂數千林最平氣之

公昧與喜聞樂鼓而俗其對世

中都志目錄

賜進士給事中郡人柳珪編纂

按文獻通考經籍考所載有濠梁志三卷嘉泰初元永嘉張季樗撰又有都梁志八卷續志一卷紹熙元年郡守霍麓教授周之瑞脩當時州縣亦必各有地志今皆不存國朝永樂戊戌景泰甲戌嘗遣使分行郡縣纂脩地志是時淮南州縣但錄方輿勝覽所載而成書淮北之志尤為脫略今博采經史子籍補其缺略正其訛舛所憾儲書不多聞見未廣尚俟博古君子正之或曰館閣諸儒纂脩一統志已頒布天下焉用子之志愚謂國志總天下之事其法宜略郡志載一郡之

事其紀宜詳詳略相因而不悖也

建置沿革

郡名

星土

疆域道里附

形勝

風俗

戶口

土產

貢賦

山川

城郭

國都

古跡

宮室堂亭樓閣臺榭附

壇壝

公宇

學校書院附

軍衛

屯田

坊市街巷鄉村都保鎮店附

宮觀

寺院

祠廟

陵寢

塚墓

橋梁津渡附

舖舍

沼池井泉附

祥瑞

帝土

后妃

人才

科貢

孝行

貞節

尚義

道釋神仙異人附

藝術

名宦

酷吏

辯疑

文章

題詠

碑銘

見任

文章

張籍

張籍

張籍

蘇軾

蘇軾

蘇軾

蘇軾

蘇軾

蘇軾

蘇軾

中都志卷之一

建置沿革

百王制度代有沿革考正實艱而地名同異古今溷淆尤為難辦蓋山川所屆時各異名而郡邑之名又復非古歷代滋久史傳互見或沿其地而易其名或襲其名而遷其地亦或遷其地而革其名此輿地之所以難考也鳳陽為郡所屬州縣一十有八跨於徐揚豫三州之境自三國鼎立南北底分之際常為天下戰場南北交爭旋得旋失僑立郡縣更改不常況夫兵火之餘圖籍靡存無所考證廢置之由最為難悉愚竊病焉乃於暇日彙集群書參質考究積十有餘年而郡

縣之建置始粗得其詳皆援據經史非敢臆說於其間也
今錄于首簡以便考閱云或曰新莽僭竊所改郡縣似不必
載曰是盖有深意焉著之為後世戒也外戚擅權履霜堅冰
之漸可畏哉

鳳陽府疆域乃禹貢徐揚豫三州之境府治在淮南為揚州之
域古塗山氏國春秋時為鍾離子國嬴姓徐子之別封服屬
于楚後為楚邑秦併楚屬九江郡漢高帝四年置鍾離縣更
九江為淮南國武帝元狩元年復九江郡莽曰蠶富縣改九
江郡曰延平東漢為鍾離侯國晉初仍為縣屬淮南郡成帝
時僞置徐州安帝時立鍾離郡屬徐州劉宋泰始末改屬南

兗州後置北徐州治鍾離南齊蕭惠休建武二年為北徐州
刺史鎮鍾離梁天監元年昌義之以北徐州刺史鎮鍾離北
齊改為西楚州隋文帝開皇二年以北徐州水改曰豪州煬
帝大業三年復置鍾離郡領鍾離化明定遠塗山四縣治鍾
離唐武德三年杜伏威入朝復為豪州屬河南道省塗山天
寶元年改鍾離郡乾元元年復曰豪州屬淮南道改化明曰
招義貞元四年以張建封鎮徐州割豪泗以隸之為徐泗豪
節度使十六年改其軍曰武寧州名初作豪元和三年加水
為濠咸通三年以濠歸淮南更置宿泗觀察使南唐李氏開
運元年置定遠軍州縣屬焉周世宗顯德四年征淮南至濠